

Վ Ե Ր Զ Ա Բ Ա Ն

Բաղմագէտ ու բազմաշրջիկ Եւրոպացի մը՝ քանի մը տարի առաջ՝ յայտնելով հանդերձ իր մասնաւոր համակրութիւնն Հայոց վերաբերումով՝ կրտէր մեզի « Բովանդակ Փոքր-Ասիան ու Կ. Պոլիսը մեծ մասով պըտըտեցայ և իմաստասիրեցի ու դիտեցի որ Հայք չահու համար ամէն բան կընեն, այո՛, ամէն բան. և աս՝ աղէկ նշան մը չէ. ես Հայերը սիրելուս համար կըսեմ ձեզի զայս »: Շահու կամ ստակի համար ամէն բան. Աստուած իմ. ըսել է չենք խղճեր եղբր գործել ամէն մեղք՝ մեղքին ամենամեծին՝ աւելաշահութեան Մամոնայի⁽¹⁾ համար. եթէ վկայութիւնը բարձրէն գիտուն

(1) Մամոնայի ու աւելաստացութեանց ինքնակործան յիմարութեան վրայ սքանչելի՛ կըսէ Օրթոտոքս մեծ եկեղեցիին մեծ Դեմոսէնը, Յ. Ոսկեբերան, զոր ուզողը կըրնայ աշխարհաբառի թարգմանել տալով հասկընալ մամոնայի աշխարհին բո՛ւն վիճակը.—

Ի սովոյ հարկէ չգիտեմ վայրապար զոք վախճանեալ. բանգի մարթի բազում ինչ յամենայն կողմանց հնարել այնմ աղետից մխիթարութիւն. իսկ վասն ընչից և մեծութեան և այնպիսի շահաշորութեանց ըզբազումս իսկ ցուցանեմ քեզ կոտորեալս, զոմանս գաշտ և զոմանս ի հրապարակի, և բազում այնպիսի նշանակօք լի են ճանապարհք և ատեանք և հրապարակք. նաև զծովս իսկ լցեալ արեամբք տեսանիցես. Զի ո՛չ գերկիր միայն կալաւ այն բռնութիւն, այլ և զհամատարած անդունդարն աղխազխեաց ելից բազում անօրէնութեամբ. ոմն նաւարկեալ շրջի վասն ոսկոյ, և ոմն սպանանի վասն նորին, զարձեալ նոյն բռնութիւն զոմն ընչաւէտ արար, և զոմն սպանողս Եւ արդ զի՛նչ շյուսալի բան ըզմամոնայն կայցէ, յորժամ վասն նորին և տար աշխարհս հարկանիցես,